

15.04.25 - 15.04.25

15:00

Անցանց

Գրանցումը փակ է



[Պահպանել Google օրացույցում](#)

ԵՊՀ Սարգիս և Մարի Իզմիրյանների անվան գրադարան (503 ընթերցասրահի մեծ սրահ)

Ա.թ. ապրիլի 15-ին՝ ժամը 15:00-ին, ԵՊՀ Սարգիս և Մարի Իզմիրյանների անվան գրադարանի 503 ընթերցասրահում տեղի կունենա «Դասագրքաստեղծում. նոր հնարավորություններ և մարտահրավերներ» խորագրով հանդիպում մայրենիի և գրականության դասագրքերի հեղինակների հետ:

Հանդիպման շրջանակում ելույթով հանդես կգան մանկավարժական գիտությունների թեկնածու, դոցենտ, «Մայրենի 5,6» և «Գրականություն 8» դասագրքերի համահեղինակ, հանրակրթության հայոց լեզվի և գրականության առարկայական չափորոշչի և ծրագրերի վերանայման փորձագիտական խմբի ղեկավար, Շիրակացու ճեմարանի գիտամեթոդական կենտրոնի ղեկավար **Թամար Ալեքսանյանը** և գրականագետ, բանասիրական գիտությունների դոկտոր, պրոֆեսոր, 8-րդ և 10-րդ դասարանների «Հայ գրականություն» դասագրքերի համահեղինակ, ԵՊՀ հայ գրականության պատմության և գրականության տեսության ամբիոնի վարիչ **Ալբերտ Մակարյանը**:

Քննարկումը կծավալվի հետևյալ հարցերի շուրջ.

- Մեթոդաբանական ի՞նչ նոր մոտեցումներ ու սկզբունքներ են կիրառվել դասագրքերում՝ աշակերտների շրջանում բանավոր և գրավոր խոսքի զարգացման և կատարելագործման համար:
- Որո՞նք են նոր դասագրքերի բովանդակային նորամուծությունները քննադատող, մտածող, ստեղծարար, մոտիվացված աշակերտ ունենալու հարցում:
- Երկչափ կրթությունից անցում է կատարվել եռաչափ կրթության, և սահմանվել են *ընթերցանություն, ստեղծարարություն, ինքնություն* հիմնական հասկացությունները: Ի՞նչ ազդեցություն է ունեցել այս փոփոխությունը դասագրքերի բովանդակության վրա:

- Սովորողների նախասիրությունները, սոցիալական մեդիան և նոր տեխնոլոգիաներն ի՞նչ ազդեցություն ունեն մայրենիի և գրականության ուսուցման, մասնավորապես դասագրքերի բովանդակության վրա:
- Դասագրքերի նոր ձևաչափ, գունային և այլ լուծումներ (8-րդ դասարանի դասագրքի օրինակով):
- Ո՞րն է դպրոցում գրականության դասավանդման գլխավոր առաջնահերթությունը (գեղագիտական, դաստիարակչական, սոցիալական թե՞ այլ):
- Ինչպե՞ս է որոշվում այս կամ այն հեղինակին դասագրքում «ներառելու» հարցը:

Հասցե՝ ՀՀ, ք. Երևան, 0025, Ալեք Մանուկյան 1
(+37460) 710000
info@ysu.am